



Šiött'tõõll-
mõš lij
vuei't-
temvuõtt
suappâd



Šiött' tõõllâmkkääzkkõs ta' rjjad 17 šiött' tõõllâmkontred pirr Lää' ddjânnam. Kääzkkõs vuâddââvv šiött' tõõllâmlakka (1015/2005). Šiött' tõõllmõ' šše vuässõõttmõš lij jiõččväaldlaž da mäaustem.

Šiött'tõõllmõõžžâst reakkõs- le'be reiddää'šš kiött'tõõllâd beä'lte'men da peittsânji. Šiött'tõõllmõš õõlgat puki vue'ssbie'li miâsttmõõžž.

Šiött'tõõllâmaalgtõõžž vuäitt tue'jjeed

- reakkõõžž le'be reeid vue'ssbie'll
- huõltee'jj le'be ouddõsvuappai
- pää'les, su'vddi le'be jee'res ve'rğğnek.

Šiött'tõõllâmaalgtõõžž tuejjeet šiött'tõõllâmkontra. Õõldâsviõkkvä'lddreakkõõžžin tâ'l'k pää'les le'be su'vddi vuäžž tuejjeed šiött'tõõllâmaalgtõõžž.

Šiött'tõõllmõš oudd vuei'tlvažvuõđ

- sagstõõllâd šõddâm ää'ššest di tøn kuõskki tobddmin
- šõddâd kullum

- vä'ldded vasttõõžž šõõddtum häaitast
- suappâd häaitai ko'rvummšest
- jâ'ttlâ'tted reakkõs- le'be reiddää'šš kiött'tõõllmõõžž da vaaikted ää'šš juätkk-kiött'tõõllmõ'šše.

Šiött'tõõllâmprosee'ss ouddnummuš

- Gu aalgtõs lij puättam, šiött'tõõllâmkoontâr väldd õhttvuõđ vue'ssbie'lid da čiolgat ää'šš suâvlažvuõđ šiött'tõõllmõ'šše.
- Vue'ssbie'lid čiolgtet šiött'tõõllmõõžž da tøn miârktõõžž pirr.
- Vue'ssbie'll tu'mmad, haa'lad-a vuässõõttâd šiött'tõõllmõ'šše.
- Jõs šiött'tõõllmõõžž altteet, tuõjju škooultum jiõččväaldlaž suâvtõõli järjste šiött'tõõllâm-
vuõinnlõõttmõõžžid. Sij vie'kkte
vue'ssbie'lid ooccâd rä'tkkummšid
šiött'tõõllâmvuâlaž äšša.

- Šiött'tõõllmõõžžâst vuei'tte lee'd mie'ldd še huõltee'jj, ouddõs-
vuappai, tulkk, vie'kktee'jj da/le'be
tuärjjooumaž.
- Jõs vue'ssbeä'l peä'sse
šiött'tõõllâmvuõinnlõõttmõõžžâst
suappma, vuei'tet tuejjeed keerjlaž
suappmõõžž.
- Vue'ssbeä'l vuei'tte kõskklâ'tted
šiött'tõõllmõõžž kuä'ss täättas.
Šiött'tõõllâmkoontâr vuäitt še
kõskklâ'tted šiött'tõõllmõõžž
taarbšeen.
- Šiött'tõõllmõõžž mângja šiött'tõõllâm-
koontâr vuapp suappmõõžž
jää'kkummuž.
- Äššvuä'mstee'jjreakkõõžž
kiött'tõõllmõš vuäitt puuttâd
šiött'tõõllmõ'šše, gu â'pet veerglaž
viärtõõžž vuallsain reakkõõžžin
ää'šš ouddnummšest mie'rrad
su'vddi.